

宣統二年五月二十五日

庚戌

南洋官報

第九十九期

諭旨恭錄

京朝法政

法部 會奏詳訂檢察廳調度司法警察章程摺

兩江奏牘

督部堂張 咨各督撫准督辦鹽政大臣電遷移處所並開用關防日期文 ● 又咨皖撫部院請飭檢送皖省所修通志二部以備轉發通志局參考文 ● 又札甯蘇兩學司准江蘇教育總會咨呈調查戶口波及學界請通飭示諭保護文 ● 又札蘇臬司准法部咨行政官不得侵越司法權限違者糾參文 ● 又札甯屬清理財政局電催萬頃湖屯墾局造送預算表册文(附電文) ● 又批蘇臬司詳奉札據諮議局呈送司法研究所質問一案逐條答復開摺請示由(錄原詳及清摺) ● 又批巡警總局摺呈會期以內禁止賃馬由 ● 又批巡警總局詳請將和姦婦女之巡警饒幼峯斥革發罪犯習藝所監禁一年請示由(錄原詳)

● 又批金陵釐捐局詳吳淞驗補局改委接辦並請飭司嚴追翁令欠繳捐錢以重公款由

● 又批江蘇陸軍小學堂學生徐秉忠等稟東台高等小學及師範學堂監督陳汝玉引私盤據誤學害公叩恩撤退以維學務由 ● 又批初級師範女學堂呈送三月分收支銷册由

● 又批委員黃國梓稟辦理海州當地大畧情形由 ● 又批六合縣詳事主姜崇伯家被竊行強一案獲犯勘訊情形由 ● 又批日本女子美術學校畢業生李士賢稟調查日本女監情形由 ● 又批商董徐鴻生等稟商團請仍照舊章以順輿情由 ● 又批鹽城紳士馬為琳



稟因公毀家叩飭追辦由●又批農民袁梓青稟呈改良農業條陳由●又批阜甯民人楊
 恒如稟乘變挾勢捏脫謀首結求究伸由●又批安徽蒙城縣稟擬將倉中雜糧借領開辦施
 弊謀佈脫匪犯叩求親提勒交解辦由●又批憲遵飭核議南洋官報局裁減員司工匠擢節經
 粥存款購辦平糶由●甯藩司樊詳督憲遵飭核議南洋官報局裁減員司工匠擢節經
 費一案文●又批翰林院編修徐路呈朋串合股舞弊私一案由(錄原呈)●又批高郵自
 員蔡國楨郎中蔡國棟摺呈厚生裕莊欠財政局公款已繳未繳運出境由●又批振管帶南洋
 治參事員夏鼎稟拯饑救荒請將麥麵留為地方民食不准販運出境由●又批振管帶南洋
 徐淮巡防步隊第五營王冠英稟藍令私征激成民變袒庇賭棍縱匪殃民及批徐州鎮標
 斃陷害防營各情乞恩查辦由●又批興化旗丁江占春稟屯田一案由●又批徐州鎮標
 候補千總時廣武等稟銅沛新涸地願備價承領公叩賞委清丈由●又批民人趙昌欽
 稟見色起意欺友滅倫由●又批江都孀婦熊汪氏稟倚勢忤逼味吞財產由●又批民人趙昌欽
 卿等稟誣栽聾朦冤責私押非沐委勸親提民冤莫伸由●又批阜甯職婦廖王氏稟冤迫
 無歸求提救由●甯屬清理財政局移公園辦事處核明收支各冊文●又批江甯駐京
 文報局稟遵批按照粘單逐細具覆一案由●又批江甯財政局支各冊文●又批江甯駐京
 州香港汕頭一帶勸辦海州賑捐文●又詳復督憲派員查明泰昌店承造馬礮兩標營房
 似無轉包情事文●江南商務總局批職員梁德昌等稟就地興利補助公益由●又批
 客民徐世濤稟因工受累求恩撥款修整由

外省新政

直隸督部堂陳 批天津府縣會詳津浦鐵路修建鐵橋一案遵飭會議請示由(附原詳)

藝文存略

虞美人 題二十四番花信風箋紙

五月十八日

監國攝政王鈐章奉

上諭希朗阿奏因病懇請開去一切差使一摺鑲黃旗滿洲副都統希朗阿著准其開去一切差使欽此 軍機大臣署名

十九日

監國攝政王鈐章奉

旨鑲黃旗護軍統領著卓凌阿調補所遺鑲白旗護軍統領著岳樑補授欽此

旨英信著調補鑲黃旗滿洲副都統所遺鑲紅旗滿洲副都統著文泰調補所遺鑲黃旗蒙古副都統著景麟補授欽此

旨善撲營事務著派芬車管理欽此

旨寶台縣等四處官兵事務著派兜欽管理欽此 軍機大臣署名

二十日

監國攝政王鈐章奉

上諭鹿傳霖奏久病請開去軍機大臣要差並續假一個月一摺大學士鹿傳霖久直樞廷勤勞倍著茲因久病未痊朕心實深廑念著再賞假一個月並賞給人蔭二兩俾資調養一俟病痊卽行銷假所請開去軍機大臣差使之處著毋庸議欽此

上諭瑞澂奏湖北勸業道鄒履和才難勝任一摺鄒履和著卽開缺湖北勸業道著高松如試署欽此 軍機大臣署名

二十一日

監國攝政王鈐章奉

上諭據都察院奏代遞諮議局議員孫洪伊等並直省籍各代表等呈請速開國會一摺披覽均悉
 速開國會一事上年十二月間據直隸各省諮議局議員等聯名呈請已經明白宣諭俟九年預備
 完全國民程度普及必毅然降旨定期召集朝廷慎重圖維之意無非願我臣民勿驚虛名而驟實
 效本年復經憲政編查館奏派委員分赴各省按照籌備清單認真考核並飭各省將籌備事
 宜應需之款詳加豫算本日復面詢各衙門行政大臣亦皆奏稱按期次第籌備一切尙未完等
 語朕仰承先朝付託之重俯念臣民呼籲之殷夙夜孜孜深以憲政早日成立即早紓一日憂
 勞亦何所靳於議院耶惟思國家至重憲政至繁緩急先後之際為治亂安危所繫壯往則有悔慮
 始則獲全諮議院之地位在憲法中祇為參預憲法之一機關耳其與議院相輔相成之事何不一
 關重要非盡議院所能參預至謂議院一開即足舉全功而臻到治古今中外亦無此理况以我
 幅幘之廣近今財政之艱屢值地方偏災兼虞匪徒滋事皆於憲政前途不無妨礙而朝廷按期責
 效並未嘗稍任鬆懈宵旰急切圖治之心當為薄海臣民所共諒本年九月即屆資政院開院之期
 業已降旨選定議員先期集會如能上下一心共圖治理不惟立議院之基礎兼以養議院之精神
 朕續述前謨定以仍俟九年籌備完全再行降旨定期召集議院爾等忠愛之忱朕所深悉惟茲
 事體重大宜有秩序宣諭甚明毋得再行濫請茲特通行諭令知之欽此

上諭浙江紹興府知府員缺著溥琦補授欽此 軍機大臣署名
 二十二日

監國攝政王鈐章奉

上諭意普蘇嚕岱奏庫存祭器虧短現將看守經管官役嚴行審訊並自請議處一摺庫存祭器關係
 最為重要應如何敬謹看守乃善陀峪定東陵庫內所存金銀器皿竟致失去六件之多實屬異常
 疏忽意普蘇嚕岱均著交該衙門議處該管官員一並查取職名分別交部議處並著民政部步軍
 統領衙門順天府直隸總督嚴飭所屬一體勒限嚴緝務獲懲辦餘著照所議辦理該衙門知道欽
 此 軍機大臣署名

京朝法政

法部 會奏詳訂檢察廳調度司法警察章程摺

奏爲詳訂檢察廳調度司法警察章程謹繕清單恭摺會陳仰祈

聖鑒事光緒三十三年十二月二

十四日臣等會奏酌擬司法警察及營翼地方辦事章程並聲明嗣後如有變通之處隨時修改奏明辦理各等因奉 旨依議欽此上年法部奏陳九年籌備辦法此項章程應歸第二年奏請頒行當經

臣等節次派員編纂早經具稿嗣以會同籌議尙需時日擬歸入今年具奏業於上年十二月二十三日

附片陳明在案竊維司法警察爲補助司法之機關無論何等官廳但執行此項事務時卽得稱爲司法

警察而指揮調度之責則在檢察廳誠以檢察廳者代表 國家保護公益事務至爲繁曠職任至爲重

要是以此項章程就司法警察言之有職務上之規定就檢察廳言之有權限上之規定兩方並舉規畫

宜周原章名稱稍嫌掛漏臣等正擬改定適上年十二月憲政編查館奏定法院編制法清單內係稱爲

檢察廳調度司法警察章程名義較爲賅括自應遵照改易今名以符名實查原章奏准奉行業屆兩年

惟事屬草創於事實上庸有未盡愜洽之處是以此次修改大致特就原章體察地方之情形參酌各員

之經驗斟酌損益以期可行其有爲原章所未備者補苴其罅漏有原章辦法尙多窒礙者改絃而更張

總期脈絡貫通化除畛域於司法得呼應靈便之機關於行政收相助爲理之效力計分八節都凡八十

條臣等覆加詳核尙屬周妥可行謹分繕清單恭呈

御覽如蒙

俞允卽由臣等通飭各該廳官

一律遵照至營翼地方辦事章程係專爲步軍統領衙門而設自應仍照原章辦理其各省營汛有關於司法警察事務者均照此項章程一律辦理以杜侵越而免推諉所有詳訂檢察廳調度司法警察章程各緣由理合恭摺會陳伏乞 皇上聖鑒訓示再此摺係法部主稿會同民政部辦理合併聲明謹奏宣統二年四月初四日奉 旨依議欽此

檢察廳調度司法警察章程

第一節 總綱 第一條 凡司法警察職務左列各項人員皆得執行之 一區長 二區員 三警

務長 四巡官 五巡長 六巡警 第二條 凡司法警察人員有於該管檢察廳區域內執行檢察

事務之責 第三條 凡司法警察人員當執行檢察事務時對於檢察廳長官應受其調度與對於巡

警長官同 第四條 凡巡警長官於執行檢察事務時與檢察廳長官有同一之職權但其事如係檢

察廳所及辦者務必聽任檢察官辦理 第五條 凡檢察廳須調度司法警察人員時應先行文知照

該管巡警官轉飭遵照若臨時調度不及行文知照者得以電話或專函代之其在道路倉猝調度得用

法部執照指示辦理但事後仍由本廳行文知照存案 第六條 豫審推事於豫審時遇有須調度司

法警察執行事件時亦得知照該管巡警官辦理與檢察官有同一之職權 第七條 司法警察人員

執行職務若不穿制服時須攜帶所奉公文或廳票有請求閱視者舉以示之 第八條 司法警察人

員如與被告人或被害者係親屬故舊當呈請另派以避嫌疑 第九條 司法警察人員執行職務時

須守秘密以免犯人逃走罪證湮滅尤不宜毀損被告人及案內人之名譽 第十條 司法警察人員

員如與被告人或被受害者係親屬故舊當呈請另派以避嫌疑 第九條 司法警察人員執行職務時

須守秘密以免犯人逃走罪證湮滅尤不宜毀損被告人及案內人之名譽 第十條 司法警察人員執行職務除本章所特定者外不得有強制之舉動及濫許人之陰私 第十一條 司法警察人員遇有他區事件由該區司法警察人員請求協助時應受該管長官之許可協同辦理若事關緊急迫不及待者可先行協同辦理仍報告該管長官 第十二條 司法警察承檢察官或豫審推事之調度執行廳票時不得有需索虐待情弊執行既畢即須呈繳其票內所署之限期若不能如限執行須將實情報告呈請展限 第十三條 檢察廳因調度之便得移請該管巡警官於司法警察人員內派撥若干名常川駐廳以供差遣其名額由檢察廳臨時酌定 第十四條 前條駐廳之司法警察人員其薪餉及執行事務應需各費由檢察廳支給至其功過賞罰應由檢察廳核定後彙送該管巡警官照警章一律辦理 第十五條 司法警察職務除警章普通規定外凡應受檢察官調度者悉遵本章程之規定 第十六條 凡京外各衙門有執行司法警察事務之責者均照本章程辦理 第二節 逮捕人犯 第十七條 凡逮捕人犯除現行犯外應以檢察廳印票爲憑其業經起訴案件應以審判廳印票爲憑 第十八條 凡現行犯得由司法警察逕行逮捕帶交該管長官先行訊問除違警及犯各官署所定各項罰則屬於行政處分者應即判決或送該管官署辦理外其餘由警署備文錄供派警送交檢察廳辦理但左列各項人等之現行犯罪須分別辦理 一宗室覺羅送交該管檢察廳 二職官由警署送交該管檢察廳 三外國人除係警署逮捕者由警察署解送所屬國該管官署

外係檢察廳調度逮捕者均由檢察廳自行辦理但仍交司法警察解送 四軍人由警署送交檢察廳
並知照該管官 第十九條 凡現行犯在警署訊問時供出之案內要犯及巡警偵知確實之要犯若

逮捕稍遲恐人犯逃匿或罪證湮滅者經該管長官之許可得先行逮捕並將訊問口供錄送檢察廳

第二十條 檢察廳或豫審推事遇有案情涉於嫌疑之人及人犯所在地有不明確者可隨時摘錄事

由移知警署轉飭偵知拘捕 第二十一條 凡逮捕人犯遇有持械拒捕者得用軍械格捕但以不越

自行防衛之範圍爲限事後仍須報明該管長官 第二十二條 凡竊案由警署獲得贓證應先行估

贓分別罪名仍將贓物隨案送交該管檢察廳辦理 第二十三條 遇有刑事重要案件不論發生之

地是否在本管地方但經檢察廳調度逮捕司法警察應即遵照辦理 第二十四條 奉拘票後如查

得刑被告不在本管地方而仍在同一審判廳轄內者可請該處之司法警察協助若在他審判廳

轄內則一面請該處司法警察協助仍一面即報本廳檢察官 刑事被告人住址不明時應即繳票報

告其因先犯他案被逮或死亡者亦同 第二十五條 凡逮捕關於交涉之人犯除本章程所定外應

依現行約章辦理如各通商口岸之慣例或有異同者應照其他之慣例參酌辦理 第二十六條 應

拘傳之本國人如住居或營業在租界內及在外國人船舶內者應由檢察官調度司法警察將印票請

該國領事或公署簽字後即往拘傳 第二十七條 凡本國人犯罪逃匿外國公使館領事館及軍艦

內者應由檢察廳請外交官知照外國官長請其備文交出俟該犯出生館外或軍艦外乃行拘傳

無外交官或有外交官而相距太遠之處即逕由檢察廳辦理但應通知該管外交官

內者應由檢察廳請外交官知照外國官長請其備文交出候訊出在館外或車馬等物仍由該管外交官

無外交官或有外交官而相距太遠之處即逕由檢察廳辦理但應通知辦理情形一面通告該管外交

官 第二十八條 凡外國人在中國內地犯罪應由司法警察搜集證據借同證人報告檢察廳將該

人犯拘送最近口岸之該國領事訊辦 拘送犯罪之外國人以不致脫逃爲限不得無故辱待 第二

十九條 凡外國人在租界內對中國人有犯罪情事應速報告檢察廳請該國領事照約辦理並一面

稟知本管長官 第三十條 凡未訂有條約之外國人在中國犯罪除有他國約定代理保護者照保

護約章辦理外所有逮捕等事照中國人一律辦理

第三節 搜索證據 第三十一條 凡審判檢察廳應行查取證據時應知照該管警署轉飭司法警

察人員會同前往 第三十二條 凡司法警察人員遇左列各項經本管長官之許可得逕行搜查

一現行犯在警署訊問時發覺之證據 二在警署告訴發或自首應行查取之證據 三巡警偵探

所得之證據 第三十三條 司法警察發見現行犯時得就其身體及犯罪地即時搜索之若發見之

物件有足爲本案證據者得暫行封禁但非重要案件不在此限 第三十四條 司法警察受告發告

訴時當察其是否出於誣罔捏造詳加搜查如有其他證據之可供參攷者一併查明報告 第三十五

條 司法警察於犯罪自首者當審查其是否實係悔悟或希望減刑抑有因求免他人之罪以自誣及

避重就輕等情弊不得就所投告即認爲完全證據 第三十六條 凡犯罪事件記載於報紙或風說

者司法警察均宜密查其原因以爲報告 第三十七條 凡搜查證據之際發見死屍殘骸及隱匿埋

藏

藏

藏

藏

藏之物當查明是否與本案有關或牽涉於他事 第三十八條 司法警察搜查證據不得用強制手段須聽檢察官之調度但現行犯及事關緊急不在此限 第三十九條 凡犯罪地方及證憑物件所在地方必須搜查者得搜查之但在家宅及船舶處等須得戶主或管守者之許諾 前項搜查行之於官署局所時須得其官吏之許諾 第四十條 凡搜查人家宅以確有窩賊之情形者爲限日出前日入後非得戶主之許諾不得爲之 於搜索家宅時須戶主或同居之親屬在場或令地保鄰右見證其搜查報告須在場見證人簽字畫押 第四十一條 司法警察搜查後應將犯罪之原由性質方法情狀時日地方及被害之形狀被告之名姓年齡職業籍貫住址及證人暨其他一切可爲證憑之事物詳報檢察廳若關於違警罪以下則逕送警署 第四十二條 被告人關係事項與本案無涉但可藉以供檢察官之參攷者均可封緘發送於搜查事件之宜秘密者亦同 第四十三條 遇命盜重案除逮捕外其一切可爲證據之物件應設法保存勿使湮沒或移動位置以待檢察官蒞勘如必須將屍身及各物移動時應先拍照仍繪具圖說俟檢察官詣勘時報告 第四十四條 因犯罪事項所封存之證據物件當加印記以防毀失一面詳開物品件數送檢察廳分別核辦其應保管之不動產暨難以挪移之物品仍由該管警署派人看守或卽令所有者及保管者保存之但須取其人領收字據 第四十五條 本國人犯罪事件有在外國公使館領事館及軍艦商船內者於不得不搜查時應由檢察廳請外交官照會外國官長後得其承諾始可從事搜查 於本條情事查照第二節第二十七條第二項之規定

定 第四十六條 凡發見外國人犯罪事件司法警察搜查有據應卽報告犯罪地之檢察廳請外交

官照會該國領事查辦 前條第二項之規定亦適用之

交官照會外國官長後得其承諾始可從事搜查 於本條情事查照第二節第二十七條第二項之規定 第四十六條 凡發見外國人犯罪事件司法警察搜查有據應即報告犯罪地之檢察廳請外交官照會該國領事查辦 前條第二項之規定亦適用之

第四節 護送人犯 第四十七條 司法警察於左列人犯有護送之職務 一檢察廳或豫審推事委令逮捕之人犯 二查獲送案之人犯 三取保聽傳之人犯 四由檢察廳發送監獄候決之人犯 五由檢察廳發交習藝所工作之人犯 六監候待質送至監獄之人犯 七上控提審之人犯除係同城近地者外應由各警署節次遞傳 八實發及解配之人犯 九遞解之人犯 十處決之人犯 第四十八條 護送人犯應遵官廳所定發送之期限不得違誤 第四十九條 共犯人犯應分別護送若必須同時並送者應嚴加戒護以防通謀 第五十條 凡由警署送交檢察廳之人犯經庭訊後須聽候再訊者應由檢察廳派人送交就近警署取保聽傳 第五十一條 凡護送人犯應有一定時刻春冬以上午九鐘起至下午四鐘止夏秋以上午十鐘起至下午六鐘止但關於重要人犯不在此限 第五十二條 凡護送人犯除第四十七條第三第十兩項人犯外於送到時應即候取收據繳呈原派之官署 第五十三條 凡護送人犯於檢察廳未經收受以前如有脫逃情事應由原解巡警擔其責任 第五十四條 被護送之人犯中途有逃走者司法警察立即通報於該處警署以便協捕一面報告原派之官署如遇有爭脫或劫犯等情事須依第一節第二十一條之規定 第五十五條 被護送之人犯中途有疾病者司法警察應速報該處之警署飭醫診治若有死亡應報告該處警署飭驗仍

一面報告原派之官署

第五節 取保傳人 第五十六條 凡審判廳應行傳集人證質訊者應由檢察廳知照取保之警署辦理 第五十七條 凡刑事輕微案件之被告應行候訊者由司法警察帶令取具舖戶水印保結如無保可取者應仍送交原審判衙門管收 第五十八條 凡不能依前條規定取保者司法警察亦應將實情報明檢察廳商由審判官酌令呈繳相當保證金在外候訊 第五十九條 凡案內干連人證例須取保者由司法警察按其住址所在帶同就近取保人出具保狀不拘何時聽傳到案如本人並無親識得令地保保管聽候審理 第六十條 凡婦人雜犯應取保者由司法警察官責付本夫保管如無夫者責付有服親屬或隣里保管聽候審理 第六十一條 徒罪以下人犯患病審判官驗明准其取保者由司法警察取具的保 第六十二條 凡傳取保之人及證人到案應於二十四小時得通知本人若被傳不到並無不得已之事由者應即報明檢察官處分 第六十三條 司法警察接奉廳票傳訊原被告及其他訴訟關係人時當即按照票內所開辦理如其人不在本管地方時準用第二節第二十四條之規定

第六節 檢驗屍傷 第六十四條 凡檢驗屍傷司法警察各員應俟檢察官到場會同辦理如有重傷幾死迫不及待者得先行錄取生供並取具保辜限狀 第六十五條 凡斃於道路者是否有刑事情形應由發見之巡警一面保守一切證據一面報告該管長官電告檢察廳從速派員前往檢驗

六十六條 凡非命死於家宅者其檢驗等事照上條辦理 第六十七條 凡應相驗各案未經檢察

六十六條 凡非命死於家宅者其檢驗等事照上條辦理 第六十七條 凡應相驗各案未經檢察官相驗以前其屍身應由警署派人看守一面傳集屍親人證預備一切事宜以便檢察官定時前往從速勘驗 第六十八條 經檢驗後檢察廳發有抬埋票者由司法警察飭人抬埋以重衛生所有抬埋票發交屍親無屍親者概由警署代爲處理

第七節 接收呈詞 第六十九條 凡關於命盜殺傷案件警署得接收呈詞移送檢察廳辦理其民事訴訟概不受理 第七十條 凡接收呈詞時對於訴訟人須問明來歷情由記於日記簿以備存查但不得有恐嚇勒索等情 第七十一條 接收之呈詞呈送該本管官閱看後須即移送不得積壓擱延 第七十二條 呈詞格式如查有與法定刑事訴狀所列各項不合者可即指示更正然後接收

第七十三條 凡民事訴訟有誤投警署者須指示訴訟人前往該管審判廳投訴

第八節 附則 第七十四條 凡案件如係由行政衙門送交者其搜查逮捕護送取保等事應由各該原送衙門自行辦理 第七十五條 前條各衙門送交之案如逮捕地係各該衙門管轄之地而犯罪地係警署所轄則搜查等事或逮捕其他逸犯仍應知照警署辦理 第七十六條 凡處決罪囚警署除派巡警護送彈壓外其向例有護決兵者暫照舊例辦理 第七十七條 司法警察執行職務有不盡力或處分不當之際檢察官可戒飭之或予記過其所爲有犯懲戒處分者則詳查事實報告警署長官以資督勵 第七十八條 本章程暫行試辦俟 奏准頒行後以文到日爲施行之期 本章程

如有關於刑事訴訟律各條俟該律頒行後即行作廢 第七十九條 本章程如有未盡事宜應由法
部隨時會同民政部商酌分別修改奏明辦理 第八十條 本章程施行細則由各該檢察廳長擬訂
試辦在京交由總檢察廳在外交由提法使申報法部核定立案

兩江奏牘

督部堂長 咨各督無任督辦鹽政大臣電卷移處所並開用關防日期文

督部堂張 咨各督撫准督辦鹽政大臣電遷移處所並開用關防日期文

咨明事宜統二年四月二十八日准督辦鹽政大臣沁電內開洪本處於本日遷移安定門大街即日開用關防文曰 欽命督辦鹽政大臣關防特此電聞等因到本大臣准此除分別咨行外相應咨明爲此合咨貴部口請煩查照施行須至咨者

督部堂張 咨皖撫部院請飭檢送皖省所修通志二部以備轉發通志局參考文

咨請事爲照請將江楚編譯局改爲江蘇通志局重修志書一案經本部堂於宣統元年十一月二十七日會同護理江蘇撫部院陸恭摺具 奏於十二月二十八日差弁竇回原摺奉 硃批著照所請學部知道欽此恭錄飭局欽遵在案查江蘇與安徽同屬江南舊時通志本係合修自乾隆元年迄今一百七十餘年未經修輯皖省前已另修通志江蘇未能久付闕如現已開設江蘇通志局聘定四品卿銜翰林院編修繆京卿荃孫爲總纂札委江蘇候補道張道預爲總辦慎選分纂各員紳分門擔任纂修事宜一面徵集各府廳州縣志書並廣搜官書及私家著述以資參覈皖省所修通志與江蘇極有關係應請貴部院飭檢二部交由本部堂轉發江蘇通志局以備參考足紉公誼爲此合咨貴部院請煩查照見復施行

督部堂張 札甯蘇兩學司准江蘇教育總會咨呈調查戶口波及學界請通飭示諭保護文

札行事准江蘇教育總會咨呈（呈文已見蘇撫部院札甯藩司文中登九十八期本報）等因到本部堂准此查前因各屬調查戶口奸民造謠滋事業經本部堂撰擬簡明白話告示通行甯蘇藩臬司各巡道各府廳州縣一體實貼曉諭其有各州縣稟報毀及紳宅學校者亦經批飭藩臬司勒拿首要各犯訊明究懲各在案茲准前因除照復外合將前次告示札發札到該司即便通飭所屬將境內各學堂實力保護勿違

督部堂張 札蘇臬司准法部咨行政官不得侵越司法權限違者糾參文

札飭事宜統二年四月二十五日准法部咨承政廳案呈據憲政編查館咨稱宣統元年十二月二十八日本館奏進法院編制法並法官考試任用司法區域分割及初級暨地方審判廳管轄案件各暫行章程一摺業經恭錄 諭旨並將 欽定法院編制法暨各章程敬謹刷印頒行欽遵在案查原奏內

開直省創設各級審判廳凡屬司法行政監督權限一以法院編制法為準繩其餘行政各官事權概不相統屬即不得互相侵越倘有故違本法者由法部查明據實糾參請 旨辦理等語既經欽奉特旨照議辦理應咨行法部查照轉行等因相應咨行欽遵辦理可也等因到本部堂准此合行札飭札到該司即便移行一體欽遵辦理毋違

督部堂張 札甯屬清理財政局電催萬頃湖屯墾局造送預算表冊文（附電文）

札飭事照得前據該局詳請電催蕪湖李道兼管之萬頃湖屯墾局預算表冊一案當經電催去後茲據

李道電稱墾務更張胡令未來一切均未籌定預算頗難著手已另派員籌議無論如何准月半前造送等語合抄去電一併札到該局即便查照此札

蕪湖關李道台宣統三年預算表定限二月送局五月到部尊處兼管之萬頃湖屯墾局預算表册至今未到望速漏夜造齊限五月上旬專送甯局彙編事關全案萬勿延誤並先電覆爲盼督東

督部堂張 批蘇臬司詳奉札據諮議局呈送司法研究所質問一案逐條答復開摺請示由

(錄原詳及清摺)

詳摺均悉仰候劄復諮議局查照並候撫部院批示繳摺存

詳覆事宜統二年三月二十九日奉憲台札開據江蘇諮議局呈查局章第二十六條載有諮議局於本省行政事件及會議廳議決事件如有疑問得呈請督撫批答等語本月十六日會議議決司法研究所質問案一件理合呈請照章批答等由並開具清摺到本部堂據此查此案應札行蘇臬司逐條查明具復俟復到再行批答除咨明蘇撫部院並先行劄復諮議局外合行抄摺札飭札到該司即便遵照刻日查明具復勿違此札計抄摺等因同日又奉前撫憲札同前因奉此本司循誦之餘具徵諮議局鄭重司法之意良用欽佩竊查本司年前詳請設立司法研究所誠以籌辦審判廳必須先預備審判人才最爲要義欲預備審判人才必先研究法律欲研究法律必先得熟悉法律之教員方有指歸此固人盡知之也所難者現時法律規章未盡完備當此過渡時代奉 欽限宣統二年爲各省

省城商埠各級審判廳成立之期時日迫促設措爲難况審判廳爲司法獨立機關凡推檢各員及典簿主簿等官均須具有法學並能知案牘之體例辦理之秩序庶可將昔時幕友書吏一概屏除勿用開庭時方見維新氣象否則於法理雖或粗知門徑而辦事雜亂無章舛錯必多深恐貽笑於人本司籌慮再三必須有深明中國律學並素能辦案之人與精習東西各國法政優等畢業人員同爲教習分認課程庶幾新舊溝通不難一貫無如刑幕一道咸同以來日形膚淺殊難得人先經呈請前陞撫賈瑞咨調大理院候補推事陳經未至時近歲首司法研究所急須開辦不得已由鄂蘇分訂教習中西三人本司於此事亦頗詳慎遴選並非苟簡從事奈教學兩方面性情未孚致啓語言相激非關講解有疏局外傳聞類多附會失實此諮議局疑問之所由來也今卽就所開質問三條逐一答覆另行開具清摺理合詳請憲台鑒核批示飭知實爲公使除詳撫憲外爲此備由另冊具呈伏乞照詳施行須至冊者

今將諮議局會議司法研究所質問三條逐一擬答開具清摺恭呈憲鑒 計開 一學期之疑問查法學門類較多義理精深原非一年及八月所能盡畢然已有根柢與尙鮮根柢者未便同論資格較深與資格較淺者亦難一致而審判廳奉文限宣統二年卽須成立時迫才難極費躊躇是以前擬司法研究所章程決以調查在法政學堂畢業最優等優等中等學員與曾在蘇府所設法學研究所之員傳試錄取者列爲甲班八個月畢業又以在法政學堂畢業中等以下學員與前陞撫憲瑞並本司

先後招考錄取之候補正佐人員及本省廩貢增附生等暨會習名法者列爲乙班一年畢業是未考

之先已查其根柢資格臨考之時又察其學識優絀必錄取始准入所研究較之他省不必考試錄取

員傳試錄取者列爲甲班八個月畢業又在法政學堂畢業中等以下學員與前在撫憲瑞並本司先後招考錄取之候補正佐人員及本省廩貢增附生等暨會習名法者列爲乙班一年畢業是未考之先已查其根柢資格臨考之時又察其學識優絀必錄取始准入所研究較之他省不必考試錄取凡略有資格願入者即可報名研究似本所辦法較爲鄭重尙非草率敷衍但期各學員悉心研求併力精進仍照原定各學期亦可漸臻深造况原章尙有隨時試驗分數將來畢業考試如列次等者在錄用之列如願入下班補修自行呈明再行研究試驗核辦似立法尙爲周密不至冒濫委任現在已奉明文俟審判廳成立時須由外咨部奏請 簡派人員考試錄取始能委任則各學員更無所用其趨避所有原定學期暫可無須更動俟下次開班如法政學堂畢業人員較少或須酌展學期再行察奪辦理 二學科之疑問查所章原擬課程本爲研究緊要學理而設故不多列門類恐涉泛濫轉致有誤時光且新刑律尙未頒行只仍以現行律及近年各項章程爲主中國律書雖民刑不分而戶律各條罪止笞杖者固應遵照新章改爲罰金卽與各國律法用意相同又原列法學通論一課凡憲法民法商法刑法其中亦略陳大概所研究者貴在法理不在法之名目惟民刑訴訟法爲審判廳所必要光緒三十二年法律大臣所奏民刑訴訟法爲各省指駁迄未訂定頒行近始奉憲政編查館頒到法院編制法聲明現距訴訟律告成之期尙遠擬將訴訟律內萬不容緩各條先行提出作爲訴訟暫行章程現亦尙未奉到年前酌擬研究課程計惟用日本訴訟法列入蓋彼法採自歐洲其直接

接在法德兩國之法典其間接實以英國爲淵泉日本擷其精我國循其轍一俟訴訟法章程頒到卽

可貫澈似於法理事實兩無所失非於主法有略也現已奉法官考試任用章程內載科目一奏定憲法大綱二現行律三現行各項法律及暫行章程四各國民法商法刑法及訴訟法小註云准由各人自行呈明就其所學種類考試但至少須認二類第五國際法右列各款以第二至第四爲主要科主要科分數不及格者餘科分數雖多不得錄取等因核其科目以本所原擬課程相較尙無背謬且原章本聲明課程名目姑列大概俟教習到所再行酌定已飭知該所長與教員酌度辦理至刑律草案本省簽註雖法律大臣尙爲許可究未奏定頒行止可仍列自修以備參攷 三學員之疑問謂該所教習三人一二月間更換情代盡非其舊等語查教習三人實係更換兩人止因教學兩面語言相激非關講解有誤第意見既未能融洽在教員亦不欲遷就只可另行延訂且尙有一法政教員實未更換現甫於四月赴都考試暫行情代也至旁聽一班所章係指會習法政現有要差及素在職局幫審實有經驗之員不能驟離而情殷嚮學者言之誠以開辦審判廳需用各項官員較多人才難得非第任推事檢察之員須品格相當卽至典簿主簿錄事所官等項亦無不須明法學奈所屋不寬經費不裕勢難收取多人甲乙兩班正佐各員僅設額百名恐畢業考試未必均能及格可期錄用不能不額外備用旁聽之員然亦須三學期均隨同試驗畢業時一體考試原聲明果能程度較高方准委用是程度不高者亦不在委用之列古人訊獄五聽並重若雖嫻法理而拙於言詞亦未爲全才職局人員尙日不絕武建之風豈成習貫也

未必不改爲適用於新社會之材也蓋人材因時地而遷似未宜一概屏絕當在審擇之耳惟開所以來各學員專心探討者固不乏人而習染涉於浮囂者亦所不免已隨時記過並飭該所長將規則重

未必不改爲適用於新社會之材也蓋人材因時地而遷似未宜一概屏絕當在審擇之耳惟開所以來各學員專心探討者固不乏人而習染涉於浮囂者亦所不免已隨時記過並飭該所長將規則重加釐訂以昭嚴肅而重道德司法重要本司極盼各學員精求深造庶幾將來克膺審判之重任今得諮議局關心憲政勗我始基極所樂聞竊願與教習學員共勉之也

督部堂張 批巡警總局摺呈會期以內禁止賃馬由

查賃僱驢馬相沿成習現在中外士商雲集忽焉飭禁恐羣情以爲不便况軍界暨在官人員均有馬匹勢難概禁乘坐若專禁商民及外來之人迹近歧視易滋口實惟馳馬最易肇事誠不可不預防危害仰該局迅卽釐訂馳馬肇事罰辦章程傳集驢馬行嚴行誥誡一面通飭區官長警隨時隨地禁約懲勸如驢馬行有不遵規則卽從重罰辦以儆效尤仍撰刻簡明示諭俾衆週知是爲至要此批

督部堂張 批巡警總局詳請將和姦婦女之巡警饒幼峯斥革發罪犯習藝所監禁一年請示由

(錄原詳)

如詳將該革警饒幼峯監禁一年仰卽遵照並錄批行知模範監獄提調遵辦繳

詳請示遵事案據職局東路五區區長葉鴻慶稟送私入船戶某家與其婦有私之三排三級巡警饒幼峯一名到局當經職道督同課員提案訊據該巡警饒幼峯供認於黑夜時私至船戶某家與其妻調戲成姦屬實除立予斥革暫行拘留外查該革警饒幼峯身任巡士膽敢擅離區所私入民家與某

之妻和誘成姦實屬罔知警律有玷名譽應請查照職局前經詳准凡巡警和姦良家婦女而確有証據者監禁一年專則將該革警饒幼峯飭發罪犯習藝所監禁一年以示懲創而儆效尤是否有當理合具文詳請仰祈憲台鑒核批示祇遵實爲公便爲此備由開冊呈乞照詳施行須至書冊者

督部堂張

批金陵釐捐局詳吳淞驗補局改委接辦並請飭司嚴追翁令欠繳捐錢以重公款由據詳已悉翁令延年辦理吳淞驗補局毫無整頓前後共知解錢一萬二千四百餘千之多公款絲毫爲重豈容任其日久延欠該令現既撤差仰候札飭甯藩司勒令於一月內如數措繳清款倘敢違延卽行詳參究追此繳

督部堂張

批江蘇陸軍小學堂學生徐秉忠等稟東台高等小學及師範學堂監督陳汝玉引私盤據誤學害公叩恩撤退以維學務由

據稟已悉該生等在學堂肄業以專心學業爲主凡不干己事一概不准預聞惟據稱各有弟姪苦於進取無由不忍放棄責任持之亦爲有故姑仰甯學司確切查明所稟各節是否屬實秉公核辦詳復飭遵此批稟抄發

督部堂張

批初級師範女學堂呈送三月份收支銷冊由

查中文銷冊係送學司之件誤送本部堂衙門實屬辦事草率應由甯學司將呈送本衙門原文銷冊備文呈繳再行核辦此批申文銷冊并發

督部堂張

批委員黃國棟稟辦理海州富地大畧情形由

一節未據敘到無馬查該現據該

督部堂張 批委員黃國樞稟辦理海州當地大畧情形由

稟單均悉所稱會同施署牧將開辦當地情形及擬定章程列摺具稟一節未據繳到無憑查核現據該委員電稟謂時屆農忙當者寥寥業經電飭展限十日如無人投當卽行截止在案至偽契朦混之弊自當杜絕大宗契價不予收當亦應照辦仰江南財政局會同甯藩司轉飭遵照繳

督部堂張 批六合縣詳事主姜崇伯家被竊行強一案獲犯勘訊情形由

據稟已悉該犯鄭三聽從行竊在院接贓似不能與行強之犯同擬卽達鳳和雖屬入室而是否與張大個子一同行強供詞亦屬含糊罪名生死攸關未便草率定讞仰蘇臬司飭再提犯復審確情錄取切供分別按擬招解一面比捕會營懸賞購線勒限嚴緝並移鄰封營縣一體協拿逸犯張大個子務獲究報附詳並悉仍候撫部院批示繳圖冊存

督部堂張 批日本女子美術學校畢業生李士賢稟調查日本女監情形由

該學生親赴日本調查女監情形頗爲詳晰洵足爲中國改良監獄之參考具見存心慈善求法文明良堪嘉許仰模範監獄核明採擇備用並傳諭該學生知照稟摺均抄發咨文存

督部堂張 批商董徐鴻生等稟商團請仍照舊章以順輿情由

巡警商團辦法不同然既同負保衛商民之責自應力求統一該董等所稟率由舊章各節是否出自衆商同意抑係該董等意存把持仰巡警總局查明妥議復奪總期辦法畫一商情允洽是爲至要繳稟抄

發

督部堂張 批鹽城紳士馬爲琳稟因公毀家叩飭追辦由

該邑查戶滋事一案疊據該縣暨十紳來稟批飭該司局飭縣查拿首要妥辦善後在案茲據稟波累損失情形並開列肇事人姓名請拿押賠償等情仰甯藩司會同自治局轉飭該縣併案查明將實係造謠暨在場滋事痞棍嚴拿務獲確訊詳辦此批稟抄發

督部堂張 批農民袁梓青稟呈改良農業條陳由

務農爲立國之本東西各國無不注重農業立學堂以闡其學理闢試驗場以資其實驗復廣設農會以爲灌輸新理新法之機關用能農務日臻發達中國地大物博農產豐饒若能銳意講求決不至墮乎落後現稟所陳改良農事各條於學理實驗具有心得必非無識農民所能道仰甯藩司會同提學司通飭所屬各就地方情形參照辦理稟發仍繳

督部堂張 批阜甯民人楊恒如稟乘變挾勢捏脫謀首結求究伸由

查此案係光緒二十九年三月內呈報到官迄今六載有餘矣前據該民人來轅上控當經周前部堂明晰批示並聲明該民人不得依恃屍親擇肥圖詐但案關謀命自當緝兇究辦等因在案茲復據稟前情如姚仁山果係正兇既經該縣先後各令集証質訊何致公然捏結保脫雖保非該民有意羅織擇肥而

戲惟案關謀殺情節兇殘惡宕六載有餘正兇迄未弋獲在押之劉于順究竟係何供招亦未據錄供詳

報殊屬玩泄應嚴飭該縣趕緊懸賞購線勒拿此案正兇務獲究報一面傳集人証提取現犯質訊明確

報殊屬玩泄應嚴飭該縣趕緊懲賞購線勒拿此案正兇務獲究報一面傳集人証提取現犯質訊明確錄供詳辦毋再玩延致犯痼斃自干重咎除逕行阜甯縣外仰蘇臬司迅飭遵照稟抄發抄粘存

督部堂張 批安東捐職左正鑾稟權差蠹書健訟串通弊謀佈脫匪犯叩求親提勒交解辦由查此案前據該縣先後稟詳及該職兩次來轅具稟均經明晰批示在案案關盜劫既已獲犯自應將已獲之犯訊供詳辦未獲之犯趕緊嚴緝何以一再批飭該縣竟置若罔聞延不遵辦殊屬玩延至紀相同已未脫逃朱士達是否此案正犯因何開釋亦未便含糊應責成該縣遵照先令批示限文到十日內先行查明稟復一面提犯訊辦並勒緝各逸犯務獲究報毋再玩延干咎除逕行安東縣外仰蘇臬司迅飭遵照稟抄發抄粘存

督部堂張 批安徽蒙城縣稟擬將倉中雜糧借領開辦施粥存款購辦平糶由據稟已悉施粥亦救饑之一法該縣既將倉儲雜糧借撥開辦並將餘糧存款分別提出添購舉辦平糶以濟貧民應即督同紳董妥爲辦理核實造報仍責成各董事人等一俟秋後即行分別買補歸款俾重儲積仰安藩司轉飭遵照仍候撫部院批示繳

甯藩司樊 詳督憲遵飭核議南洋官報局裁減員司工匠樽節經費一案文

詳復事案奉憲台批南洋官報局稟萬分爲難情形懇請援案飭撥銀兩批示祇遵由奉批據稟該局經費支絀請飭司庫撥銀二千兩以償借款并請援案月撥五百兩力爲維持自應照准仰甯藩司核明發

給具報仍移該局遵照至該局收取報費如是爲難用款時虞不繼當此庫儲艱窘之際應如何歸併他局辦理以資撙節併卽由司妥議詳奪等因奉經由司籌借銀二千兩交局領用所有每月籌撥銀五百兩司庫萬分支絀實難爲繼移局將員司工匠人等酌量裁併核計每月實需經費若干移司詳辦嗣奉憲台批局詳委提屬欠報費案內飭司速遵前批議詳當以各屬報費每月若干如何改訂章程各屬卽可照解不至拖欠抑或歸併相當局所辦理移請該局一併妥議復司旋准該局復稱統計甯蘇皖贛四省全年報費可收庫平銀二萬四百餘兩除江西報費向由藩司劃廉墊付外餘則多有拖欠現擬改訂章程凡甯蘇各州縣派報較多者准以八成解局其餘二成作爲代售報冊之津貼一面責成各府州按季彙提剋期解局舍此別無良策至歸併一節目前各局所均屬支絀異常非擇經費稍裕者不足以酌盈劑虛一時未能擅擬并准移送裁減清摺首裁坐辦原支薪一百兩次則統計委員及選錄公牘探查軍政兩事一併議裁工匠議裁三人本司伏念該局近年經費支絀設法騰挪既恐難於持久驟議歸併亦覺無所適從惟有力求撙節尙屬切實可行趨道主持報務不避艱難既不願支薪水藉勵員司具見顧全大局坦白無私自應暫時照行以成其美惟坐辦自請停薪則在差員司事務稍簡者似宜酌量減支因又移請該局籌議以期完善而資經久茲准另開清摺移送前來本司覆加查核俱臻妥洽統計經費所短亦已無多但使報費收足辦事卽不虞竭蹶除於本年五月以前不敷開支已由司借撥款項另行具報外合將送到清摺具文轉詳伏候憲台電鑒勅示謹

來牘誦悉汪竹樓以股東而兼經理既與尹祝三周錦春等舞弊私調查豫豐礮坊帳簿即可知其內容除移請財政局查照外仰上江兩縣速即傳案審訊並先將汪竹樓尹祝三周錦春各有產業若干切實查明具報以備抵還虧款毋得縱庇延宕切切稟抄發

呈爲朋串合股舞弊私虧倒公款嫁禍分攤懇求澈究追還股本以免拖累事竊職於光緒三十二年七月間嫻親汪竹樓來云礮坊一業獲利甚豐已與厚生裕管事尹祝三厚生裕管帳周錦春厚生裕同事盛樹棠議定合股開設豫豐礮坊極力慫恿職入股份職以親戚可恃允入一股計共十股每股銀五百兩共股本五千兩整汪竹樓五股尹祝三兩股周錦春盛樹棠各一股職佔一股當時公立合同言明坊事中汪竹樓總理買貨用款與厚生裕周錦春接洽訂約之後職即回京供職迄今三年坊事全未過問惟每年據汪報告皆有贏餘職因係嫻親未便向索紅帳餘利亦未受領絲毫然尹周二入皆有紅帳可憑盛樹棠曾支過餘利乃近接家鄉來信忽告豫豐倒閉虧空厚生裕至數萬之多駭異萬狀竊思盈絀之數從無並立據汪去歲報告尙云積有贏餘何至數月以來盈絀相懸若此旋託友人在南調查始知尹周等串通汪竹樓冒用豫豐名義在厚生裕挪借款項私作小貨利則歸己害則歸公種種情弊已非一次加以該號大小同事終年衣食嫻賭之資皆汪爲之供給坊中貨物亦復任意指撥名爲小貨實則無本生利並聞該號同事中有余姓者於去歲冬間囑汪代作小貨汪

後饋送八百金謬稱係所得餘利實皆坊中血本在汪之意不過以此結歡希圖通挪款項可無掣肘之虞而在尹周等亦即因以爲利各肥其私此中情弊已屬顯然尤有可證者尹祝三厚生裕之管事也周錦春厚生裕之管帳也而皆爲豫豐之股東同在一地經商監督至爲容易且合同上註明買貨用款由汪與周接洽是周尤有監督之權綜計豫豐股本不過五千金而豫豐與厚生裕往來竟至數萬之多此種內容在他人可云不知而尹周等不能以此誑誘乃竟任其虧欠如此鉅款毫不加察其爲謀串吞騙嫁禍分攤尤屬毫無疑義伏念合股經商盈虧全憑帳目今豫豐紅帳既有贏餘則是虧空之由來與豫豐坊事毫無關係職非特不應分攤虧空且應將股本餘利一併追還未便聽其吞沒爲此懇求老公祖大人飭提豫豐礮坊帳簿澈底根查將職所佔股本餘利勒令償還至於虧空之款仍請飭縣簽提汪竹樓尹祝三周錦春等到案押令清償以免拖累實爲公便

甯藩司樊

批道員蔡國楨郎中蔡國棟摺呈厚生裕莊欠財政局公款已繳未繳請核示由

來摺閱悉現據徐編修呈控汪竹樓舞弊肥私業經批飭兩縣切實訊辦據呈前情候移請財政局核明辦理該股東仍遵迭次批示迅速設法歸還公款勿再觀望推諉是爲至要並即知照

甯藩司樊

批高郵自治參事員夏鼎稟拯饑救荒請將麥麵留爲地方民食不准販運出境由

據稟秋收甚遠請將麥麵留爲地方民食不准販運出境並粘呈救饑丸方具見關心時事深堪嘉許候

通飭各屬遵照辦理可也

甯藩司樊

批管帶南洋徐淮巡防步隊第五營王冠英稟請令私征激成民變禮成賭棍總團所

甯藩司樊 批管帶南洋徐淮巡防步隊第五營王冠英稟藍令私征激成民變袒庇賭棍緝匪
民及放振耽延凍斃陷害防營各情乞恩查辦由

據稟已悉此案既奉提部堂飭道會同營務處提訊已行提人証卷宗及防長兵士人等質審該管帶雖
暫撤差並未飭令對簿請將藍令撤任赴質無此辦法所稟藍令各節亦應並候准揚道歸案查明另
行核辦已由司照錄申稟移道矣仰卽知照此繳

甯藩司樊 批興化旗丁江占春稟屯田一案由

所稟如果屬實鍾采芹等玩法舞弊亟應嚴究痛懲仰揚州府轉飭該縣懷遵督憲迭次批示迅速查訊
明確詳候核奪毋再玩延致干咎戾切切稟抄發

甯藩司樊 批徐州鎮標候補千總時廣武等稟銅沛新涸湖地願備價承領公卽賞委清丈由

據稟銅沛境內湖灘陸續涸出地二千餘頃近爲東民侵佔受害無窮共願備價承領升科等情是否屬
實能否給領仰徐州府督同該二縣分別查明稟辦勿延稟抄發

甯藩司樊 批民人趙昌欽稟見色起意欺友滅倫由

唐繩豸邀該氏同居該民尙未見其屋遽將已妻甯氏交其携去一奇也妻則交唐繩豸已則僅携一皮
包且此外更無他事仍然坐待唐繩豸送妻歸來同往師範學堂二奇也既遷居矣妻既去矣已則在學
堂住宿而不一視新居三奇也學堂不能由學生留人食宿唐繩豸忽能四奇也該民索得皮包知已失

物卽在堂中指稟便可獲贓而追人矣乃當時顧全顏面而不欲聲張現在則不憚煩勞而成爲訴訟抑何前恭而後倨耶此中隱情本司已有以揣測之而正不欲臆斷之該民雖至愚不能受給至此想其中尙有難言之隱耶仰江甯府飭縣報明師範學堂將該生唐繩多發縣質明分別辦理通報察核毋稍偏延

甯藩司樊 批江都孀婦熊汪氏稟倚勢忤逼味吞財產由

該氏因分拆遺產以味吞忤逼等情在江都縣呈控大鏞訟延一載未經斷結來轅控告固無足怪惟稟內叙及德昌虧欠一案則似別有用意不僅爲爭產計矣家庭之間乖戾至此可勝浩歎就本案而論大鏞既能自立卽使家無遺產亦無不顧該氏及諸弟之理况尙有恒產乎大鏞就館淮徐一時未必回籍仰銅山朱令桃源陳令傳諭大鏞速將訟案了結勉盡親親之誼若再肆意攻訐卽不許其充當幕友並解省發府訊辦該氏如果貪得無厭不聽調處亦當飭縣查傳該氏之子到案嚴行懲治以爲骨肉參商者戒懷之並行各該縣知照

甯藩司樊 批下海卿等稟誣栽聳朦冤責私押非沐委勘親提民冤莫伸由

所稟差役訛詐私押各節如果屬實孫令何以漫不加察又何以堂訊之時反將爾等責打其中必有情節仰淮安府速卽遵照迭次批飭查明稟辦以分虛實而免訟蔓切切

甯藩司樊 批阜甯職婦廖王氏稟冤迫無歸求提救由

分後合如果兩不相得則仍分居可矣何致聽吳氏謀斃子女霸佔房產甚至將該氏逐出耶該氏夫初

分後合如果兩不相得則仍分居可矣何致聽吳氏謀斃子女霸佔房產甚至將該氏逐出耶該氏夫初本分居何致於該氏被逐後又不能另有安宅而僅令該氏暫回外族耶雖入門見嫉婦人恒態而該氏夫亦太無丈夫氣矣稟末有剖腹明心一語清官難斷家屋事此中尙有何情節歟仰淮安府飭縣傳提質訊秉公究結

甯屬清理財政局 移公園辦事處核明收支各冊文

移知事本年五月初一日奉督憲張批江南公園辦事處詳送植物園畜牧場二處宣統元年收支各款清冊請賜核銷一案由奉批詳冊均悉仰甯屬清理財政局核明詳銷繳清冊存又於五月初三日續奉札開據江南公園辦事處詳稱竊職處奉飭創辦公園所有自光緒三十三年十二月分起至三十四年十二月底止收支各款業經彙造清冊詳請核銷在案查花園內外各項工程現已一律完竣其自上年正月分起至十二月分止收支各款理合彙造清冊並另造購地清冊業戶花名清冊工程總冊及抄呈各匠估冊又抄呈船捐報冊一併備文詳送仰祈憲台鑒核俯賜核銷除另冊分別咨送甯屬清理財政局江南財政局備查等情並清冊到本大臣據此除批示外合行札飭札到該局即便遵照核明詳銷毋違此札各等因奉此查公園辦事處宣統元年四季報告冊暨畜牧場植物園宣統元年全年收支冊畜牧場地基畝數花戶價目冊植物園地基畝數花戶價目冊植物園貼補青苗價及遷墳各費冊船捐宣

統元年全年收支冊均准先後送局經局分別核編達部一面將船捐開支應請裁節緣由移准核復各在案茲奉前因相應錄批移知爲此合移貴處請煩查照再查貴處詳送督憲衙門各冊除已准移送敝局各冊外尙有工程總冊各匠估冊未准并送敝局查核又貴處詳送銷冊係從光緒三十三年十二月分起而敝局前准移送之公園辦事處報冊係從官統元年正月起冊報不齊礙難彙核並希補送到局以憑核辦望切須移

甯屬清理財政局 批江南駐京文報局稟遵批按照粘單逐細具覆一案由

據稟已悉查該局前造宣統元年春季冊列收財政局京平銀一千四百兩與財政局造送該年閏二月分報告冊列支湘平銀一千四百八十兩之數不符致奉度支部駁查茲據稟稱春季實領京平銀一千兩核與該局自造之冊又復兩歧深堪詫異且財政局列支湘平該局來冊係收京平此項平餘如何開報亦未列冊仰即遵批將收銀數目及平色不符緣由切實查明刻日具復以憑核辦至該局加薪一層查財政局春季冊列支二月分銀八十兩夏季冊列支三四五等月銀二百四十兩核與稟相符惟該局經費係由甯蘇安三藩司暨淮運司將原有京提塘每年應領之款彙解抵撥茲查財政局僅元年春季冊列收蘇藩司解光緒三十四年經費庫平銀九百七十九兩零安藩司解三十四年經費庫平銀一千八百五十兩零其甯藩司淮運司應解之款究有若干是否按數照解統計每年共應收銀若干除撥充

該局經費外有無盈餘所有該員加薪每月八十兩是否即在原撥經費內動支抑係另動他款候移請
江南財政局一併查明復局以憑核辦此批

該局經費外有無盈餘所有該員加薪每月八十兩是否即在原撥經費內動支仰係另動他款候移請
江南財政局一併查明復局以憑核辦此批

江南財政總局 詳督憲請委溫道前赴廣州香港汕頭一帶勸辦海州賑捐文

詳請事據提調案呈竊照上年江北海州等屬被水成災工賑需款繁鉅蒙憲台奏准按照新章開辦翎
枝銜封貢監賑捐一年以資接濟飭由本局兼辦等因奉經遵照辦理刊印實收呈送憲轅蓋印札發備
用在案惟查歷辦捐輸成案向由各前憲札委道府大員分赴各省勸辦以收集腋之效本屆似應援照
辦理茲查有現辦鎮江電報局江蘇候補道溫灝熟悉廣東香港一帶情形前辦徐海淮賑捐報解捐款
爲多擬請憲台札委該道前赴廣州香港汕頭一帶業經設有大清銀行處所設法勸辦就近兌交俾廣
招徠而裨賑需除由局撥發實收三百張連同捐章等項移送該道查收勸辦外理合具文詳請仰祈憲
台電鑒俯賜核奪派委批示祇遵實爲公便爲此備由開冊呈乞照詳施行須至詳者

江南財政總局 詳復督憲派員查明泰昌店承造馬礮兩標營房似無轉包情事文

詳復事據提調案呈本年三月二十六日奉憲台批木匠李桂祥吳炳崑左午亭謝希魯稟承造營房之
泰昌店轉包漁利由奉批泰昌店承造馬礮兩標營房如果轉包與周長庚從中漁利以致偷工減料則
當時既難瞞人耳目事後必嚴予罰賠來稟請飭退王亮臣周長庚准該匠李桂祥另行包造顯係飾詞
聳聽意在爭奪惟泰昌是否王亮臣易名有無轉包之事仰財政局稽核李道查明稟復並移督造安員
傳道認真稽察勿稍大意稟抄發等因到局奉此職道哲溶遵卽移會餉械局傳道查照並會商派委本

局委員候補同知張丞汝廉前往傳齊該匠等切實考核查明稟復去後茲據該丞稟稱同知遵卽前詣馬礮兩標工程處傳集該匠頭等按照原稟所指逐細盤詰詳加考核查得泰昌二字乃係該店牌號周長庚係泰昌店東其名本載在合同王亮臣爲該店之分經理人前次泰昌包造工程訂定合同時周長庚曾經親筆簽字並有殷實號商源豐潤爲之担保現在該兩處工程均開辦未久各色材料亦尙未運齊且就近設有督造處可以隨時稽察將來工竣自可按圖索驥設有偷減定必嚴予罰賠似毋庸李桂祥鯁鯁過慮稟祈鑒核等情前來覆查該丞稟復情形尙屬實在該店似無轉包情事理合具文詳復伏候憲台鑒核查考批示爲此備由呈乞照詳施行

江南商務總局 批職員梁德昌等稟就地興利補助公益由

查興辦實業莫先於闢地利說者謂吾國農業不振由未能諳習新法而不知荒田未盡墾闢地利未盡振興其影響於國計民生者尤鉅本局前於飭填農田表案內察見各屬荒地甚多嗣奉大部頒發農林章程卽經廣飭開闢舉辦者迄尙寥寥正擬設法督催今該職紳等聞風興起擬就揚城內外遵章舉辦農林裨助自治洵屬熱心公益深堪嘉尙仰揚州府飭卽擬具妥細章程核明詳報立案一面給示保護此繳

江南商務總局 批客民徐世濤稟因工受累求恩撥款修整由

查該民故父承修惠民橋工具有保固六年切結何以尙未屆期卽行損壞果使工堅料實決不至此現准巡警局來移業飭原辦委員前往查勘應否飭令賠修姑俟勘復後再行核奪至所請由局撥款一層

直隸督部堂陳 批天津府縣會詳津浦鐵路修建鐵橋一案遵飭會議請示由 (附原詳)

詳摺均悉津浦鐵路應於南運各河建築鐵橋一案現經商會等會同核議擬請仿照漢沽活橋成式修築是否可行候北段總局派員詳細考查妥籌核辦具覆並咨督辦幫辦大臣查照飭遵繳

詳請事案查前於宣統元年四月初九日蒙前憲台楊札據津浦鐵路北段總局稟稱竊照津浦鐵路自天津起點經過運河御河子牙三河均須修建鐵橋接通軌道惟該三河民船來往恐礙帆檣職局一再籌商若建造活橋難期穩固惟有飭令各帆船改建活桅隨時眠起以利進行實爲兼善之策業經照會天津縣詳查船隻數目出示曉諭在案茲於三月二十三日據天津衆商遣抱劉春稟稱竊查津埠爲招商碼頭各行銷貨皆以外客爲本運入運出無不取資於河路是河路有關天津商業民生誠非淺鮮茲蒙津浦鐵路總局測量路線由西北兩營門外循行直達河北於南運並上下西河分築鐵橋三道作爲行車之路伏查津埠各河接通直東豫三省百貨流通是爲要路尤以鹽糧爲轉運大宗津郡商民命脈相與維繫若於河路中間建築死橋船路絕斷天津商業民生何堪設想運船雖有免桅然船有大小之別橋有高低之分南運河尤非上下西河可比裝運鹽糧船隻桅高船笨加以滿載有不能免桅之勢雖火車亦能運貨但不通之處須恃河路爲轉運現在津埠捐稅加重鐵路四通八達商業已成弩末祇有河路尙可通運勉力支持設再堵絕水道天津碼頭不難立至荒涼且值

國家振興商務撫卹民艱凡有不便於商有害於民者皆蒙列憲設法維持達其目的當此固有之河源天然之利便反使閉塞不通將來客商視爲畏途繞越別口交易不特商業受害即稅課恐亦受其影響稅命兩懸將何了局商等非不知鐵路爲 國家富強基礎何敢妄行阻止必須籌畫兩全善策維持大局商等竊計熟商莫若稍示變通保衛商民隱患查火車行止原有一定時刻鐵橋開閉亦有成規可尋擬請仿照已設鐵橋辦法修築活橋在火車未到以前如有貨船抵橋令其停候火車行過再開橋放船於車政毫無阻礙即河路亦免廢弛如此兩得其宜則津郡之商民獲福非淺矣事關商民生命除經稟商會外謹具稟泥首籲訴乞恩准作主設法變通以示維持而保商業等情據此查本埠所設金湯金鐘等項活橋誠屬利便惟鐵路橋梁負載之力甚鉅與尋常之橋迥殊况天津爲此路起點之總機關客貨等車往來頻數終年震撼加以開橋磨擦機軸日久必鬆意外危險設想堪虞職局日前照請天津縣示諭各船戶改造活動桅杆即經熟計通籌以期兩無阻礙茲據津商稟陳前情又經協同總工程師等詳細籌商僉以中國歷年所造鐵橋經由河道尙無建造活橋之處誠以危險之機均不敢擔此責任但鐵路原爲交通便利之具若如津商所稟致使商民受累所關亦自匪細思維再四惟有仰懇憲台飭天津府縣暨商會議事會公議具覆總期路無危險商無阻滯以冀顧全大局除稟批示並稟督辦幫辦大臣外理合稟陳鑒核示遵等情到本大臣據此除批據稟津浦鐵路

經行南運各河應修鐵橋各商擬請改建活橋以維航業仰候分飭天津府縣商務總會議事會會同核議具覆稟督辦幫辦大臣外理合稟陳鑒核示遵等情到本大臣據此除批據稟津浦鐵路

前府分行卑縣並照會商務總會議事會司該義在案卑縣並於司時奉前憲台場札司前因當查

前府分行卑縣並照會商務總會同核議在案卑縣並於同時奉前憲台楊札同前因當查此案前奉津浦鐵路北段總局擬令篷戶改造活桅行縣飭查各篷戶究有若干並出示曉諭限令改造等因經卑職商彙傳諭水地方趙永升飭知運河船戶王林等到縣訊據供稱伊等均係以船爲業運河船隻共有萬餘大小不等船身高下亦七八尺不等水淺時河面至河岸相距不過七八尺船與岸平如遇水漲船且高出隄岸鐵路局建造平橋必致阻礙若能橋高於岸一丈以外纔得方便並據南運北運子牙等三河船戶王鏞等二十五戶聯名赴縣稟稱北運子牙兩河來往鹽船及南運河由河南山東裝運草帽辮子雜貨藥材木料等貨船隻約高均至一丈二三尺最低亦有八尺左右惟有懇請建造活橋乞轉詳等語卽經卑縣將傳訊各船戶暨船戶稟請建造活橋等情轉詳到府並據商務總會覆稱竊查津浦鐵路橋梁有關津浦商民生計當河路通行客商來往運貨市面藉此流通前據津郡衆商以津浦鐵路擬於南運各河建築死橋報告到會敝會核議修築死橋則河路隔絕運船不通來往運貨爲難客家因而裹足津郡之商業民生誠有不堪設想者卽改造活桅亦非萬全之策無論能改與否卽每年伏秋兩汛河水漲發以現行之河路尙且不易若再船身高大加以滿載使其免桅穿橋意外危險不可思議此查明窒礙之實情也但事關大局不厭求詳側聞漢沽爲京榆鐵路要道曾經建築活橋有案敝會約董調查漢沽鐵路約在英尺七十丈橋身橋梁極爲堅固前於光緒

十四年修築活橋至庚子變亂以前歷十餘年之久並無危險後被英人佔據以橋梁各事盡被焚燒改建死橋船不到埠蘆台鎮一帶商業立變荒涼詢諸土著從前活橋開閉放船情形指引臥碑處所照摹送會茲特抄呈鑒核此查明活橋之實情也敝會悉心核議鐵路橋梁負載之力本鉅然修建活橋既有成章可循儘可仿照修築便利交通保全商業民生仰副列憲維持商政之至意所有查明核議情形相應移覆請煩查照彙核轉詳等情計抄送碑文一紙暨據天津議事會申復與商務總會往返移商意見相同各等情先後具覆到府前來卑府等悉心核議津浦鐵路經行南運各河修建鐵橋據該船戶等所稱及商務總會議事會所議既未以船戶改造活桅爲便擬請循照前次京榆鐵路漢沽活橋成式仿照修築係爲保航業而順輿情起見惟天津爲津浦鐵路北段起點將來行駛車輛往來之數不言而喻漢沽工程現無實迹可驗南運各河亦擬仿建活橋究竟年深月久能否永遠穩固卑府等既難懸揣殊少把握再四圖維惟有懇請憲台仍飭津浦鐵路北段總局轉飭熟悉工程之員詳細考核妥籌核議以昭慎重是否有當理合將商會抄呈漢沽活橋碑文底稿照錄清摺一扣會同具文詳送憲台查核俯賜批飭津浦鐵路北段總局查照辦理實爲公便

虞美人 題二十四番花信風箋紙

樊山

東風次第來無盡。盼煞紅橋信。崔娘夢裏自呼名。越是有頭無尾。越分明。
宋人贈崔廿四詞夢也有頭無尾

闌干十二花枝午。數了還重數。海棠睡後說魂銷。安得年年二月。閨花朝。

又

十三行寫真珠字。尺一聊相寄。頭番數到末番花。剛比雲和瑟柱。一絃差。
巫山十二雲如錦。倒映清江影。相思豆。擲玉盆中。看取玲瓏六子。盡緋紅。

又

羣花若仿雲臺例。減卻珠躔四。封姨十八管花枝。尚有雙紅四美。待扶持。
彩毫誰把臙脂染。八倍湘東管。柳桃含帶雨。和煙拾得六言絕句。寫香箋。

又

年年歲歲修花史。例自龍門起。春光轉盼尾。拖藍過了。觀燈十五。禊初三。
秋風倘報秋花信。重九中秋併。玉人纖指算佳期也。抵立春。數到大寒時。

又

相思債負知多少。四字爲彼此平分。了橫塘七十二鴛鴦。但使三分得一總成雙。消寒圖裏尋梅瓣。三九三朝欠。恰從上九盼初三。賴是月逢小建。早織織。

又

水仙六出梅花五。荳蔻香苞吐。取婷婷嫋嫋六宮齊抱紫檀槽。約略朱絃撥動幾多條。唐詩

紅妝齊抱紫檀槽一。抹朱絃四十條。盈盈碧玉瓜初破。八字添些箇。韋娘雙陸六雙心。記得兩場打罷到。

如今。三個半鍾半酒一場雙陸陸雙心。明人對句。

又

鬆匳十二雙紅豆。嵌得相思透。玉屏風上記花名。寫徧金鷺兩面忒多情。一斤有半蘭陵酒。賞得春光穀。西湖花事六橋頭。畢竟玉簫明月遜揚州。

又

錦鱗六六瑤函寄。留取三分二。直須看到棟花開。分付花神十二要重來。春光九十嬌無那。分配難停妥。以廿四乘九十三日一信又不足去年百二十韶華二月恰好東風五日一催花。

大清郵政特准掛號立券之郵件

本報五日一册每月報資大洋七角

局設南京省城藩署後全福巷內

西曆一千九百十年七月一號

禮拜五

宣統二年五月三十日